

Informe de Intervención

Expediente orzamentario 2025

Análise do cumprimento do obxectivo de estabilidade orzamentaria e de cumprimento do límite da débeda

Consideracións previas

De acordo co establecido no artigo 16.2 do Real Decreto 1463/2007, de 2 de novembro, polo que se aproba o Regulamento de desenvolvemento da Lei de Estabilidade Orzamentaria, na súa aplicación ás entidades locais (RLEP), así como no disposto na vixente Lei Orgánica 2/2012, de 27 de abril, de Estabilidade Orzamentaria e Sostibilidade Financeira (LOEPSF), que entrou en vigor o 1 de maio do ano 2012 (a dita Lei derogou o Real Decreto Lexislativo 2/2007, de 28 de decembro, polo que se aprobou o texto refundido da Lei Xeral de Estabilidade Orzamentaria e “[...] *cantas disposicións opóñanse ao previsto nesta Lei Orgánica*” e por iso é polo que o RLEP siga vixente naquelo que non se opoña á nova Lei, ata que non se proceda á aprobación dun novo Regulamento), a Intervención xeral Municipal emite o seguinte informe en base ás consideracións seguintes:

- A Orde HAP/2082/2014 de 7 de novembro, pola que se modifica a Orde HAP/2105/2012, de obrigas de subministro de información previstas pola LO 2/2012, Artigo Único Apartado Nove (polo que se modifica o artigo 15.3 c) da Orde), establécese a obriga de subministrar os datos do Orzamento, antes do 31 de xaneiro de cada ano, xuntando o informe de Intervención de avaliación do cumprimento do obxectivo de estabilidade e do límite da débeda.
- O presente informe se limita á **análise da verificación** da estimación do cumprimento do **obxectivo de estabilidade orzamentaria** e do **límite de débeda**, deixando constancia da conveniencia de que os expedientes administrativos se tramiten de forma que sexa posible unha análise ordeada e adecuada favorecedora da elaboración de contidos complementarios de relevancia como é a referente á Regra de Gasto, cuxa análise, unicamente a efectos informativos, se realiza ó final do presente informe, tendo coma referencia as últimas condicións de incremento establecidas .

Lexislación aplicable:

- Lei Orgánica 2/2012, de 27 de abril, de Estabilidade Orzamentaria e Sustentabilidade Financeira, modificada polas Leis Orgánicas 4/2012, de 28 de setembro; 6/2013, de 14 de novembro; 9/2013, de 20 de decembro e 6/2015, de 14 de xuño.
- Real Decreto 1463/2007, de 2 de novembro, polo que se aproba o regulamento de desenvolvemento de Estabilidade Orzamentaria, na súa aplicación ás entidades locais.
- Orde Ministerial HAP/2015/2012 de 1 de outubro, pola que se

INTERVENCIÓN

LVP/pfa

Refª: ispac2261084690755171620.doc

Asunto: Informe complementario Orzamento 2025 Estabilidade

desenvolven as obrigacións da subministración de información previstas na LOEPSF (OM).

- O documento que aparece na Oficina Virtual de coordinación financeira coas entidades locais, polo que se materializan as obrigas de subministración de información.
- Artigos 162 a 171 do Real Decreto Lexislativo 2/2004, de 5 de marzo, polo que se aproba o Texto Refundido da Lei reguladora reguladora das Facendas Locais.
- Guía para a obtención da Regra de Gasto do artigo 12 LOEPSF para Corporacións Locais.
- Bases de Execución do Orzamento do Concello .
- Regulamento de Control Interno do Sector Público do Concello de Lugo.

Cumprimento do obxectivo de estabilidade orzamentaria

O principio de estabilidade orzamentaria defínese no artigo 3 LOEPSF nos seguintes termos:

*“1. A **elaboración, aprobación e execución dos Orzamentos e demais actuacións que afecten os gastos ou ingresos dos distintos suxeitos comprendidos no ámbito de aplicación desta Lei** realizarase nun marco de estabilidade orzamentaria, coherente coa normativa europea.*

2. Entenderase por estabilidade orzamentaria das Administracións públicas a situación de equilibrio ou superávit estrutural”.

O artigo 11.4 da LOEPSF dispón que: *“As Corporacións Locais deberán manter unha posición de equilibrio ou superávit orzamentario”.*

O obxectivo de estabilidade orzamentaria e, en xeral, a situación de déficit ou superávit das Contas Públicas, está expresado en termos de contabilidade nacional, é dicir, aplicando os criterios metodolóxicos do Sistema Europeo de Contas (SEC 2010), que é o que permite a comparación homoxénea entre os distintos países europeos e é o utilizado a efectos da aplicación do Pacto de Estabilidade e Crecemento e do Procedemento de Déficit Excesivo.

Polo tanto, as entidades locais, no ámbito das súas competencias, axustarán os seus orzamentos ó principio de estabilidade orzamentaria, entendido como a situación de equilibrio ou de superávit en termos de capacidade de financiamento de acordo coa definición contida no Sistema Europeo de Contas Nacionais e Rexionais (SEC).

Para a determinación do obxectivo de estabilidade orzamentaria, compróbase se os ingresos dos capítulos 1 a 7 do orzamento de ingresos son iguais ou superiores ós gastos contemplados nos capítulos 1 a 7 do orzamento de gastos. É dicir, enténdese que o orzamento está en equilibrio ou ten superávit cando os ingresos

non financeiros (principalmente, os que non proceden de operacións de crédito), son suficientes para financiar os gastos non financeiros (principalmente todos aqueles que non sexan amortización de operacións de crédito). A estabilidade orzamentaria implica que os recursos correntes e de capital non financeiros deben ser suficientes para facer fronte ós gastos correntes e de capital non financeiros. A capacidade inversora municipal virá determinada polos recursos de capital non financeiros, e os recursos correntes non empregados nos gastos correntes (aforro bruto).

Axustes nos gastos e ingresos dos estados contables.

O cómputo destes capítulos débese facer de acordo con criterios de contabilidade SEC, que non coincide exactamente coa contabilidade local, co cal, e de conformidade co artigo 16 LOEPSF, deberán facerse os axustes necesarios para homoxeneizar os datos.

Os anteditos axustes responden á necesidade de adecuar o criterio de devengo ao criterio de caixa, pasando a explicar, en síntese o fundamento de cada un dos practicados, segundo dispón o artigo 16.2 da LOEPSF:

"[...]a Intervención local elevará ao Pleno un informe sobre o cumprimento do obxectivo de estabilidade da propia entidade local e dos seus organismos e entidades dependentes.

O informe emitirase con carácter independente e incorporarase aos previstos nos artigos 168.4, 177.2 e 191.3 do texto refundido da Lei reguladora das facendas Locais, referidos, respectivamente, á aprobación do orzamento xeral, ás súas modificacións e á súa liquidación.

O Interventor local detallará no seu informe os cálculos efectuados e os axustes practicados sobre a base dos datos dos capítulos 1 a 9 dos estados de gastos e ingresos orzamentarios, en termos de Contabilidade Nacional, segundo o Sistema Europeo de Contas Nacionais e Rexionais.

Así mesmo, a Intervención da entidade local elevará ao Pleno informe sobre os estados financeiros, unha vez aprobados polo órgano competente, de cada unha das entidades dependentes do artigo 4.2 do presente regulamento.

Cando o resultado da avaliación sexa de incumprimento, a entidade local remitirá o informe correspondente á Dirección Xeral de Coordinación Financeira con Entidades Locais ou ao órgano competente da comunidade autónoma que exerza a tutela financeira, no prazo máximo de 15 días hábiles, contados desde o coñecemento do Pleno."

Para o cálculo da dita estabilidade vaise a seguir o establecido no manual de

INTERVENCIÓN

LVP/pfa

Refª: ispac2261084690755171620.doc

Asunto: Informe complementario Orzamento 2025 Estabilidade

cálculo do Déficit en Contabilidade Nacional adaptado ás Corporacións Locais, publicado pola IGAE.

Rexistro de impostos, taxas e outros ingresos: (capítulos 1 a 3 do capítulo de ingresos): compútanse seguindo o criterio de caixa, é dicir, só se teñen en conta os ingresos efectivamente recadados tanto do exercicio corrente como de exercicios pechados, non os dereitos recoñecidos.

Para realizar o axuste tomamos, como estimación, a porcentaxe media de cobro calculada nos tres últimos exercicios liquidados 2021, 2022 e 2023.

	Capítulos	Dereitos Recoñecidos Netos	Recadación		Total Recadación	% Recadación	% Axuste
			Exercicio Corrente	Exercicios Pechados			
2023	I-IMPOSTOS DIRECTOS	38.275.680,89	34.723.986,60	3.457.485,35	38.181.471,95	99,75%	-0,25%
	II-IMPOSTOS INDIRECTOS	4.817.366,63	4.321.809,89	461.489,54	4.783.299,43	99,29%	-0,71%
	III-TAXAS E OUTROS INGRESOS	23.232.250,52	18.167.158,37	7.402.294,41	25.569.452,78	110,06%	-10,06%
		66.325.298,04	57.212.954,86	11.321.269,30	68.534.224,16	103,33%	3,33%
2022	I-IMPOSTOS DIRECTOS	35.654.500,51	31.966.428,53	2.903.443,76	34.869.872,29	97,80%	-2,20%
	II-IMPOSTOS INDIRECTOS	4.741.736,36	3.875.786,52	441.318,63	4.317.105,15	91,04%	-8,96%
	III-TAXAS E OUTROS INGRESOS	22.573.799,01	14.362.289,31	7.071.372,47	21.433.661,78	94,95%	-5,05%
		62.970.035,88	50.204.504,36	10.416.134,86	60.620.639,22	96,27%	-3,73%
2021	I-IMPOSTOS DIRECTOS	36.585.535,31	33.238.576,55	2.792.720,31	36.031.296,86	98,49%	-1,51%
	II-IMPOSTOS INDIRECTOS	3.523.101,72	3.102.257,31	287.389,86	3.389.647,17	96,21%	-3,79%
	III-TAXAS E OUTROS INGRESOS	24.005.563,50	16.034.280,73	4.166.126,03	20.200.406,76	84,15%	-15,85%
		64.114.200,53	52.375.114,59	7.246.236,20	59.621.350,79	92,99%	-7,01%

Axuste orzamentario sobre previsións 2025

	Capítulos	Previsións iniciais	% Axuste (media)	Importe Axuste
2025	I-IMPOSTOS DIRECTOS	43.914.845,85	-1,32%	- 579.922,90
	II-IMPOSTOS INDIRECTOS	5.788.034,88	-4,48%	- 259.503,51
	III-TAXAS E OUTROS INGRESOS	26.700.170,00	-3,61%	- 964.916,80
	TOTAL AXUSTE			- 1.804.343,21

Ingresos obtidos do orzamento da Unión Europea:

Trátase neste axuste que os ingresos que deben contar na estabilidade orzamentaria sexan os correspondentes ós certificados e non os dereitos recoñecidos na contabilidade do ente local. Así, uns dereitos recoñecidos menores á achega europea en función do gasto certificado sería un axuste de menor déficit e viceversa: uns dereitos recoñecidos superiores á achega europea en función do gasto certificado suporía un axuste de maior déficit.

Polo tanto, este axuste ten sentido no momento da liquidación posto que a partir das previsións do orzamento non se ten coñecemento nin dos dereitos recoñecidos que se prevén liquidar nin das certificacións que se prevén enviar ó organismo competente.

Gastos realizados no exercicio e pendentes de aplicar ó orzamento de gastos do Concello:

Estes son os gastos recollidos na conta 413, no seu haber, polo importe dos pendentes de aplicar a 31 de decembro e, no seu debe, polos aplicados ó longo do exercicio, procedentes do exercicio anterior. Os primeiros aumentan o déficit en termos de contabilidade nacional, os segundos o minoran, pois xa o incrementaron o ano anterior e neste volven a incrementalo mediante a súa aplicación a un orzamento dun exercicio onde non se ten producido o gasto, polo que debe compensarse esta dobre imputación mediante un axuste positivo. Pero este axuste como se pode entender é aplicable na fase de liquidación do exercicio. Debe considerarse o disposto no Manual da IGAE de cálculo do déficit, xa que non se trata só do gasto que se coñece coma extraxudicial de crédito, senon tamén de aquel que non se pode tramitar administrativamente antes de finalizar o exercicio.

A estimación do axuste realízase neste caso en función dos datos da liquidación do orzamento xeral de 2023, **última aprobada**, cifrándoo na diferenza dos saldos da conta 413 a 31/12/2022 (11.482.414,24 euros) e 31/12/2023 (6.164.215,43 euros), o que determina o axuste sinalado.

Axuste por grado de inexecución do gasto:

Nas corporacións locais a execución orzamentaria final adoita presentar desviacións respecto dos créditos iniciais do orzamento. Por este motivo para o cálculo do gasto computable nos orzamentos iniciais realizárase un “*axuste por grado de execución do gasto*” que reducirá ou aumentará os empregos non financeiros.

O axuste por grado de execución do orzamento do ano 2025 será o resultado de aplicar a porcentaxe estimada do grado de execución de dito orzamento, ó importe dos créditos por operacións non financeiras (Capítulos 1 a 7) do orzamento de gastos.

INTERVENCIÓN

LVP/pfa

Refª: ispac2261084690755171620.doc

Asunto: Informe complementario Orzamento 2025 Estabilidade

A porcentaxe estimada do grado de execución do orzamento do ano terá coma límite, superior ou inferior, a media aritmética das porcentaxes do grado de execución dos créditos por operacións non financeiras do orzamento de gastos dos tres exercicios anteriores, una vez eliminados valores atípicos. Dita media calcularase coma a diferenza entre as obrigas recoñecidas de cada ano entre os créditos iniciais.

No caso de que a media sexa negativa suporá un axuste negativo (menor déficit), mentres que se é positivo suporá un axuste positivo (maior déficit).

A IGAE, sinala que *"enténdese por un valor atípico, un valor moi distinto do resto, que fai que a media aritmética non sexa representativa do grupo de valores considerado. A efectos deste axuste, consideraranse valores atípicos aqueles gastos cuxa inclusión desvirtúa a media aritmética, que opera como límite da porcentaxe estimada do grao de execución do Orzamento.*

Entre outros, consideraranse valores atípicos, sempre que cumpran co disposto no parágrafo anterior:

- Os gastos de natureza extraordinaria, derivados de situacións de emerxencia, acontecementos catastróficos, indemnizacións abonadas en virtude de sentenzas xudiciais-e similares.
- Os gastos financiados con subvencións finalistas, procedentes da Unión Europea ou doutras Administracións Públicas, dado que estes gastos non se inclúen, no cálculo do gasto computable, para a determinación da regra de gasto.
- Os gastos financiados con dereitos procedentes do alleamento de terreos e investimentos reais, recoñecidos no mesmo exercicio, dado que, no cálculo do gasto computable, considérase o investimento neto.
- Os gastos financiados a través do mecanismo extraordinario de pago a provedores".

Na análise do grao de execución orzamentaria derivada dos artigos anteriores, obtemos os datos de liquidación (ORN/Créditos iniciais) dos últimos tres exercicios:

	2021	2022	2023	Media aritmética ponderada	Axuste	Cuantificación sobre os créditos iniciais 2025
	%	%	%			
Capítulo I	90,78%	90,06%	87,20%	89,35%	-10,65%	4.023.814,34
Capítulo II	79,71%	95,44%	96,70%	90,62%	-9,38%	5.954.081,23
Capítulo III	176,09%	1015,61%	226,99%	472,89%	372,89%	-1.416.996,62
Capítulo IV	106,74%	87,07%	95,51%	96,44%	-3,56%	222.227,30
Capítulo V	0,00%	0,00%	0,00%	0,00%	-100,00%	400.000,00
Capítulo VI	108,32%	143,34%	130,36%	127,34%	27,34%	-2.486.834,10
Capítulo VII	261,93%	77,08%	74,08%	137,70%	37,70%	-329.799,28

							6.366.492,87
--	--	--	--	--	--	--	--------------

Análise do cumprimento do obxectivo de estabilidade orzamentaria

CONCEPTOS	IMPORTES €
a) Previsión ingresos capítulos I a VII orzamento corrente	112.159.314,86
b) Créditos previstos capítulos I a VII orzamento corrente	118.219.314,86
TOTAL (a – b)	-6.060.000,00
AXUSTES	
1) Axuste recadación ingresos capítulo 1	-579.922,90
2) Axuste recadación ingresos capítulo 2	-259.503,51
3) Axuste recadación ingresos capítulo 3	-964.916,80
4) Axuste por liquidación PIE-2008	-
5) Axuste por liquidación PIE-2009	-
6) Axuste por liquidación PIE-2013	-
7) Axuste por devengo de intereses	-
8) Axuste por Grao de execución do Orzamento	6.366.492,87
9) Axuste por arrendamento financeiro	-
10) Axuste por gastos pendentes de aplicar a orzamento (*)	5.318.198,81
11) Axuste por devolución de ingresos pendentes de imputar a orzamento	-
TOTAL CAPACIDADE/NECESIDADE DE FINANCIACIÓN	3.820.348,47
Obxectivo en 2025 de Capacidade/Necesidade Financiación da Corporación: Capacidade de Financiación	CUMPRE OBXECTIVO DE ESTABILIDADE

(*) Estimación axuste, equivalente á liquidación do exercicio 2023, última aprobada.

O resto dos axustes que se poderían realizar no seu caso, non se ten previsto que teñan unha incidencia significativa.

Por tanto, no Proxecto de Orzamento do ano 2025, pode asumirse de xeito teórico o **CUMPRIMENTO** do obxectivo de estabilidade orzamentaria, segundo a análise que se incorpora ao presente expediente en base ás consideracións e axustes anteriores, que se realizan asumindo o criterio empregado nos derradeiros exercicios.

En todo caso, deberá o concello adoptar durante a execución do orzamento as medidas correctivas oportunas para que non teñan lugar incumprimentos, correspondendo á intervención a análise sobre o risco de que este teña lugar, con ocasión da emisión dos informes trimestrais sobre a execución do orzamento.

Cumprimento principio sostenibilidade financeira: límite da débeda.

Entenderase por sostenibilidade financeira a capacidade para financiar compromisos de gasto presentes e futuros dentro dos límites de déficit, débeda

INTERVENCIÓN

LVP/pfa

Refª: ispac2261084690755171620.doc

Asunto: Informe complementario Orzamento 2025 Estabilidade

pública e morosidade de débeda comercial. A débeda financeira debe medirse en termos de volume de débeda viva e do límite de endebedamento a efectos do réxime de autorización de novas operacións de crédito establecido nos artigos 52 e 53 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, do 5 de marzo e a Disposición Final 31ª da Lei 17/2012, do 27 de decembro, de orzamentos xerais do Estado para o ano 2013.

O volume de débeda viva a efectos de determinar o límite de endebedamento desta Entidade, arroxa o seguinte resultado:

Volume de débeda financeira viva a 31/12/2024 (disposta e non disposta):	13.500.000,00
Nova operación de endebedamento proxectada no 2025:	8.860.000,00
Total saldo débeda incluída a operación proxectada:	22.360.000,00

De conformidade coa normativa vixente, os ingresos correntes do último exercicio (capítulos 1 a 5) a considerar a efectos de determinar o límite de débeda desta Entidade, serían os seguintes:

1. Impostos directos:	43.914.845,85
2. Impostos indirectos:	5.788.034,68
3. Taxas e outros ingresos:	26.700.170,00
4. Transferencias correntes:	34.622.764,33
5. Ingresos patrimoniais:	633.500,00
TOTAL INGRESOS CORRENTES (CAP. 1 a 5)	111.659.314,86

Aos ingresos correntes descontaranse o importe dos ingresos afectados a operacións de capital e calesquera outros ingresos extraordinarios aplicados aos capítulos 1 a 5 que, pola súa afectación legal e/ou carácter non recorrente, non teñen a consideración de ingresos ordinarios.

Ingresos correntes non ordinarios	
Descrición	Importe
Contribucións especiais SPEIS	470.000,00
Subvencións concepto 45050 non reiterativas (Obradoiros emprego, Axente emprego)	296.586,20
Subvencións concepto 45080 non recorrentes (Et eddendo Lucas)	367.264,00
Subvencións concepto 49100 non consolidadas (Socilibre)	81.459,65
TOTAL	1.215.309,85

En base aos cálculos precedentes o importe dos recursos correntes, unha vez deducido o importe dos ingresos extraordinarios, é de **110.444.005,01** euros; e o importe de débeda viva total desta Entidade Local, incluída a operación proxectada no exercicio 2025, é de **22.360.000,00** euros.

Polo tanto, a porcentaxe de débeda viva desta entidade sobre ingresos correntes é do **20,25%**, polo que se informa que o nivel de débeda así calculado estaría por debaixo do 110% dos ingresos correntes, límite previsto segundo o artigo 53 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais, e por debaixo do límite que estableceu a Disposición Final 31 da LPXE 2013 do 75%, aplicable como límite para a autorización na concertación de novas operacións de crédito durante este exercicio.

Estimación cumprimento Regra de Gasto

O artigo 12 da Lei 2/2012 establece a esixencia de que as Entidades Locais, na execución do seu estado de gastos en base á variación do propio gasto executado respecto do exercicio anterior, non supere a taxa de referencia do crecemento do PIB de medio prazo da economía española, cuxa determinación corresponde ó Ministerio, e modificado, de ser o caso, polos incrementos e diminucións de recadación derivados de cambios normativos que vaian ser permanentes.

Tendo en conta que a Orde HAP/2015/2012 determina que **non é preceptivo** o informe da Intervención sobre o cumprimento da Regra de Gasto na fase de elaboración do Orzamento da Corporación de 2025 (quedando a obriga para a fase de liquidación, trimestral e/ou anual), a presente análise **se realiza únicamente a efectos informativos**.

As previsións de execución orzamentaria para 2024 que se recollen no informe son as que figuran na contabilidade municipal na data deste, tendo en conta que non está realizado o peche e a liquidación do exercicio, e que se ten constancia de apuntes pendentes de realizar.

Os datos para os axustes son os que se extraen da análise de estabilidade.

Estimación do cumprimento da regra de gasto

	Obrigacións recoñecidas Orzto 2024 a 31/12/24 (*)	Previsión Orzto 2025
CAP 1	31.831.023,42	37.769.342,58
CAP 2	58.266.592,59	63.453.135,85
CAP 3	4.288,27	380.000,00
CAP 4	5.569.227,71	6.246.075,37
CAP 5	0,00	400.000,00
CAP 6	10.026.503,70	9.095.945,06
CAP 7	1.152.604,39	874.816,00
EMPREGOS NON FINANCIEROS	106.850.240,08	118.219.314,86
Axustes SEC95		

INTERVENCIÓN

LVP/pfa

Refª: ispac2261084690755171620.doc

Asunto: Informe complementario Orzamento 2025 Estabilidade

Alleamento terreos		
Gastos realizados no exercicio pendente aplicar Orzamento	-5.318.198,81	-5.318.198,81
Axuste por grao de execución orzamento		-6.366.492,87
Outros axustes (IFS Art 32)		
EMPREGOS NON FINANCEIROS AXUSTADOS	101.532.041,27	106.534.623,18
- Gastos Finalistas financiados UE/AAPP:	-11.686.063,56	-8.973.233,02
TOTAL GASTO COMPUTABLE	89.845.977,71	97.561.390,16
TAXA DE VARIACIÓN GASTO COMPUTABLE		8,59%
TAXA DE REFERENCIA MÁXIMA		3,2%
Cumprimento/Incumprimento obxectivo Regra de Gasto		Incumprimento

(*) Datos provisionais antes de realizar o peche contable do exercicio

Por tanto, cos datos provisionais empregados, o concello non cumpriría coa regra de gasto na elaboración do orzamento de 2025. Agora ben, como se dixo, este cálculo realízase soamente a efectos informativos, sen que teña consecuencias neste momento.

Se a situación se mantivese no peche do exercicio, o concello virá obrigado á aprobación dun plan económico financeiro co contido e alcance previstos no artigo 21 da LOEOSF e artigos 19 a 21 do RD 1463/2007, de 2 de novembro.

Do mesmo xeito que se advertiu no caso da análise de estabilidade, deberá o concello adoptar durante a execución do orzamento as medidas oportunas para que non se materialice este incumprimento, correspondendo á intervención a análise sobre o risco de que este teña lugar, con ocasión da emisión dos informes trimestrais sobre a execución do orzamento

Canto antecede, coas observacións, advertencias e explicacións que constan no contido deste informe, recolle o parecer do informante que se expón para a súa incorporación ó expediente tramitado e coñecemento da Xunta de Goberno Local e do Pleno do Concello, dando cumprimento ás normas de xeral aplicación que se relacionan ó principio do informe.

O Interventor Xeral Municipal, Luis Ramón Vázquez Parga.